

嚴
東
有
詩
集

秋山紀行集卷第一

江寧 嚴長明

七月初八日

駕幸熱河例得扈從先一日行次德勝門口占

正作正中想翻爲塞外行超遙逮城闕結束沉幽并地迥
客懷壯秋高馬足輕韋囊雙筆在好爲記初程

清河道中作

金山冠其前土城帶其後中間亘長倚車馬左以右薊門
蹟久荒團營制匪舊空餘玉泉流千載清以瀏沄沄會白
沙瀉瀉濯坊垢我行方塵埃對此心忸怩揮鞭赴前郵數
里敢迴首

宿南石槽

利山一
是日
七夕

五十吉行還十五計程車馬正宜休詎知此夕爲何夕頓
覺今秋非我秋涼透六街風漸緊白沈千帳月初收此時
亦有蓬山侶 禁漏聲中靜擁裯

是夕素人直
宿禁中

初九日隨

駕發南石槽午後至懷柔縣

詔隨清蹕歷煙郊沙草遙看

輦路交細霧薄龍旂暗藹

朔風隨馬尾蕭梢河潮過雨聲猶壯谷黍經秋實漸苞爲

直隸經過地方錢糧
例行蠲免十分之三

有復租成法在道旁無計阻謹饒

憇懷柔道中祇園寺

馳馬東來三十里暫逢村寺一相羊匆匆莫遣吟情擾靜

境多時得未嘗

奉筆前驅敢自由
亂山迴合望檀州
心知此去伽藍少
更爲娑羅樹小留

早發遙亭行次南天門口占

憶昔山掌披金源
極邊知有南天門
音官譯爲紐幹哩義

取迴碧無嵯垠

自南天門至古北口金史謂爲流幹嶺義無所取今譯改

我時蓄眼戾

於此一咲何殊案與几
眈眈上列寺三楹

上有觀音庵

蕩蕩旁

容車七軌迺知萬境須目成
虛無指點徒相驚
盛名之下實難副
豈獨處士多虛聲

出古北口作

吾聞邊城二千三百里
列成形如角相倚
就中古北口尤

奇耐可容騎不容軌此關幾閱諸侯王後有俺荅先同光
中間天贊暨天輔始焉窺伺終搶攘我

朝萬幕通諸夏牧圉年年

幸車駕武關久罷太初征

沿邊諸口皆有賦稅惟古北口獨無康熙十六年定制也

伏

石空聞北平射乃知天險不可升地險惟山及上陵王公
設以守其國要在太德爲依憑不然前朝重鎮稱密雲一
十八砦屯官軍吹笳擊柝望烽燧嗟嗟守禦誠辛勤

楊令公祠

并序

古北口北門外有宋楊業祠明洪武初大將軍徐達
建成化中修賜額曰威靈考業以雍熙三年爲雲州
觀察使時遼將斜軫陷寰州相遇於雁門北陳冢谷

口力戰不支被擒不食死是業之死乃翔州陳家谷口非密雲古北口也武寧當日建祠之故豈以此地爲時重鎮其用兵也自後梁乾化三年晉將劉光潛克敵後建元至正二十七年禿堅帖木兒稱兵中間僉囊竊寇幾五百載卒無有致命遂志之臣如業比者因爲立祠以褒臣節而儆官守誠未可知獨是陳家谷口爲業授命之所魂魄實式憑之而秩祀轉令闕如且史稱業子延玉與淄州刺史王貴隨業師中併命從死均宜入廟配食者而當年亦未議及甚矣其鹵莽也今秋以 扈從過此瞻拜祠下晚宿兩間房直次適與周方伯雪堂遇因作長句貽之並柬

朱方伯石君山右

飛狐一蹶勢莫撓四州戎守皆從橫休哥棄勝復深入傳
聞已絕金山陁老謀料敵氣方銳制勝應潛抗其背反唇
何故謂遷延坐使長城黯然壞喪元不復將奚辭以死勤
事則祀之魂兮歸來固有所入荒捕逐徒爾爲越惟前明
重邊備作者知應蓄深意此地由來百戰塲棘門灞上皆
兒戲紛紛螳聚兼蜂屯行間誰復如斯人千秋藉以壯敵
愾異境遂爾垂精禋我今跋馬詣茲所肅拜桓楹向榛莽
英姿省識舊飛騰毅魄遙憐近悽苦三尺空留代北封一
抔枉說燕南土孤墓雙高孰有靈叢祠一敗誰爲主

山西朔州

直隸唐縣並有業墓

在師中復餘同仇子延玉與王并州狼牙村深

朔雲暗營魂來往空悠悠吁嗟乎大廈高門徧都邑廣祀
淫祠恣狼籍成仁勵義凜如公轉使精靈獨蕭索自來盛
德神所憑激公此舉非無名會看闕憾一朝弭長與關塞
相崢嶸

次兩間房過阮吾山前輩行帳

村不三家地一成宵來何處認行旌月明惟見山河影風
定猶聞草木聲耿耿隱憂乘此夕茫茫終恐負平生此間
合付懽騰醉試覓林中阮步兵

兩間房夜雨

愁已深如海中宵雨更殘乍猶聲可數旋覺溼難勝空響
來千嶂寒光聚一燈衣裳沾濡汝豫切盡長物歎何曾

早發青石梁復值大雨

天階近北道畢宿實爲主東征不遑他但慮陰以雨矧負
三月糧更涉萬仞帖上穿雲始生下踏石萬古委身付驚
駘并氣事組舞百計恐不牢一墜那能取折身愁遽入轉
計各徒步艱難到陵巔十步仆或五仰首于青霄周遭黑
如廡轉盼成陰雲過我儼環堵意在潤九州終風扼其阻
撼空出全力萬仗擊嚴鼓散爲千步車射此百鈞弩我馬
瘠如瘠我僕偃以僂前途遽方邁餘勇豈易賈卽境憶平
生冥漠庶予輔

午過黃土嶺天色少霽

飛梁下千仞登頓力已窮攬轡一長望又起呀然峰前峰

尙駛駢茲峯更蒙龍大塊亦立異觸處羞雷同盤盤魚鳥
徑籍籍駝馬蹤前趾已不極後頂仍交攻一罅自開拓少
憩例不容零雨矧未沫首路猶滃濛煙霏壓輜重雲水歎
心胸人馬并一氣沸喘殷長空彌天不得洩如簋殮有饒
移時涉險絕失喜來清風颼颼赴深澗約作蜺與虹和門
照旌旆讀列寒煙叢側有牙帳矗頓宿知所從揮鞭告童
僕我途匪終窮

晚宿喀喇河屯

雨腳收不盡半山明夕陽遙遙認飛旆草草置行裝入眼
牛羊雜先秋草木荒孤城二千載舊蹟與誰詳

喀喇河屯
蒙古語黑

城也亦爲舊城案北魏
於此建安州治方城

灤河來獨石漠漠向南東似說開平事遙趨避暑宮水經注濡水出峽入安州界今灤河即古濡水源出獨石口東北百三十里鑲黃旗牧廠界內之古道嶺數百里入喀喇河屯界元陞開平府爲上都灤水經其城南故又名上都河眞形開北極陳迹付西風攬轡誰爲錄千秋憶范公

過廣仁嶺

烏灤河北亂峯攢休作當年墨斗看

主會行程錄過烏灤河至墨斗嶺即此康

熙五十七年發帑開鑿始易今名

石骨雙開成翠障雲頭一折見朱闌爲

貪下界鐘踰曳

嶺東麓有萬壽寺

忘涉前蹊路曲盤近習馳驅

差有味詰朝翻恐即安便

十四日抵灤河與陳絙橋農部同寓鑲藍旗營之西

偶作二首

午犯驕陽曉犯霜計程四百里何長茲行到處有歧路卻望此間成故鄉落落行旆兼坐具匆匆乞火與分漿相看抖擻征衣了何異轅駒暫脫韁

居然雞犬識新豐一宿渾如久住同共話客悰牀上下各安行卷屋西東山依北舍無窮翠樹占斜陽一半紅入直但求來日早又騎瘦馬御晨風

記寓齋草木

并序

逆旅主人刁氏愛植花木居內外數十種皆塞外異本余方承輯熱河圖志因仿李文正四禽圖詩體賦得四首用備掌錄至吉祥草雖南中所有而北地頗希因并及焉

山莊南際風日和秋花每較春花多遠來蹴屋本為此閉

門靚對如修娥海紅果霏霏吾舊識時過猶矜好顏色懸

鉤一咲子何為接葉盤條巧相覓有木名普盤結實甘酸似楊梅土人謂之懸鉤

子就中草荔殊可憐細團風露成勻圓垂珠雖同愛者少

攢攢自墮籬根煙草荔芰與海紅普盤種相類而甘芳過之叢生籬下居人不知貴也

跂腳曉窗聞啄木報到故人書一束是日得素人書相思集累誰

似之恰有垂垂北天竺天竺宛如紅豆紅倒挂青壁搖西

風高冥飄墮條盈手木難火齊將毋同舉似土人多未識

但云生性逾常格絕豔羞隨萬卉榮上林一植無顏色有木

倒生壁上結朱顆累累與南中天竺子相似御命名曰北天竺近聞移植御園雖成實而不茂子亦青色

呼僮編枳籬作牆有石如丈鏡其旁何來蒼官在爾側相

與離立爭昂藏或云茲松質匪石復與他松異標格曾向
興安見數株秋來萬葉成蕭索我聞志士貴弗阿寒不改
葉溫不華若教本性隨地易松兮何異蓬與蒿

牆外有松一株枝幹

與杉相似土人云每至秋霜後葉盡凋落興安嶺及塞外高寒之地多有之

清涼寶地生寶花金蓮久向圖經誇此間誰與爲羅致拈

來佛手無爭差

代州五州山有花金色似蓮而小七瓣五層一莖數朵聖祖時移植山莊今

熱河居民多種之以爲近翫

吉祥草花亦妍始紫袈裟坐中臺衲青雀

何曾五百來潛蠶行蟻徒紛雜裳華此外仍滿墀審狀知
非贅萊蔬惜哉嵇含不到此未錫名字昌吾詩

山莊直次二首

天作高山倚塞垣經營遙溯六旬前

山莊經始於康熙四十二年堯

階未解青茨色文圖欣增白鶴年卽事曰維思

續紹那居豈爲卽安便上頭仰視

奎文在勤政書猶

朵殿懸

山莊視事之所爲勤政殿

女牆深擁上清居函道東偏起直廬

軍機房在政殿門外東廂

靚向

碧窗聞玉漏時于青案見瓊書天邊御宿高難盡檻外青山望有餘試仿華林編故事流傳他日比虞初

二十八日與絙橋飲適有大風雨至醉中不知也醒

後賦長句以志

醉酒灑所出薄若醪與醕其味清以澀頗與鄙性宜東頭陳遵本大戶興來聊與斟酌之養邊那復計主客百壺市盡仍干瓶烏巾醉脫跣腳臥北窗美睡真不貲醒來日腳

下平地相與縱步臨階墀忽驚籬落盡欹倒綠葵紫莧漂
參差堂前縱臥十圍樹屋上倒卷三重茨急呼散輩起問
訊爲言君醉無多時青天宕宕倏異色飛廉蜚翳交奔馳
豈爲雙津一朝落直愁萬瓦相隨飛天容此時縱開霽大
家至竟猶然疑因知世事多幻變全其天者迺弗知醉中
恍惚本無物已覺萬象靡成虧何況守中抱一者不聞不
見同希夷

旬日以足疾乞假鄰舍生有以頽放見責者戲書三
十韻示之

高涉青石梁下涉白河水健迺類黃犢快或鬪蒼兕超遙
赴山莊計得一餉美庶幾寔無尤曷爲良其趾彼哉

孫良夫半爾習鑿齒軟若兜羅棉鞭若交畫綺步惟藜杖
持坐卽藤輪倚兩足誰云尊通體若將挽比鄰有二豪身
手自矜恃惡馬走不綱出入塵與市顧我此拘拘輒復議
所以感此坐而言一一究端委昔在三五時翩然事蓬矢
吳楚燕齊間盤遊萬餘里距今荷天衢束縛轉如纒進若
觸韋藩退則繫金柅比來憂患解脈脈復跂跂懶結漢廷
襪屢缺侯門屣特立不易方攸往卽於是矧今損其疾厥
象亦可喜此來塞外行僕僕匪得已況涉窮秋中西行路
安紀今秋回圍場自崖口東人西至鄂爾楚克哈達顧子
駕復由達額達巴漢東南行圍出哨
意良殷勉強相撙理因山問芻蕘就隰采芣苢沃以酒十
勛斟酌彼與此旣醉成其天脫然釋形累神馬駕尻輪消

搖到無始下視八極中無殊尺與咫彼哉兩醯雞沈湎已
甕底四目徒覲覲爬沙不能起

二十七日小病初愈偶和寓齋壁間詩韻四首是日

爲白露節

因病得閒渾不惡

東坡句

三朝跂腳屋山頭匆匆道卻離宮

暑又是金庭白露秋

一峯雲起方疑雨夾道風來旋作晴羽扇方中猶解事布

裘傍晚已多晴

佛云住世何曾住自笑閒人未得閒半閏月來惟一瞬數
行詩裏有千山

屋小真如車有邸終朝閉置思何任宵來偶聽鶴聲警不

道能生萬里心

過磬鍾峯下作

并序

山莊東三十五里爲天橋山迤北有峯矗起數十丈
土人名曰梣箠峯考明隆慶元年三衛酋董忽力勾
土蠻十萬犯邊折牆而出至梣箠崖迷失道此俗稱
所自始也案酈道元水經注云武列水東南厯石挺
下層巒之上有孤石雲舉臨崖危峻高百餘仞牧守
所經命選練之士彎弧矢無能屈其崇標者今熱河
爲武列水道元所稱石挺應卽此地康熙四十二年
聖祖賜名曰磬鍾峯並

御題山莊三十六景其十二曰鍾峯落照余於八月五日

與劉德引前輩赴直獅子園由北而東詣峯趾遊覽
因述其顛末並賦長句

金庭玉柱不可求銅柱已落西蒙陬中原何有有底柱鄭
公銘字徒徵搜咄哉我生好奇服常恨局促隨轅轍今朝
何緣得佳兆覲此突兀擡高秋靈根去天不盈尺員如員
嶠方方邛崃筆石挺恣彷彿古今所見誠刻舟誰歟祕跡
獨先我法幢奇字工雕鏤強尋偏旁究點畫欲問惜少楊
與劉②峰側有石幢鐫床榻綿②何因呼起共把袂十日共作
淩雲遊名山五千三百七迤沙戴土徒增羞誰能拔地倚
天外上千一氣橫九州丈夫樹立要如此眉摧腰折將誰
投行抽手版付丞相退之倔強真吾儔

秋山紀行集卷第二

江寧 嚴長明 德甫

八月十五日晚發熱河乘月至中關過絙橋行帳二
首

一年十二回圓月已七回圓馬上看幸值佳辰資暇豫又
來絕塞領高寒團團魄映西峯小浩浩風連左界寬安得
赤霜袍萬丈長途征戍總衣單

雙黃古色接天橋

去熱河十七里有雙黃寺

北望中關路尙遙萬樹參

覃遮似幔千山合沓湧如潮東遊汗漫知何極秋氣平分
奈此宵不是孟公能酌客拂廬今日竟蕭條

古北口以外居民率因山爲田中秋後正值刈穫任

負塞途延囑所及賦詩志之

塞山皆積石間有戴土區草人物其地厥色黃而虛刀耕
復火種糞以蕢與榆時哉值枯旱嵐氣能蒸濡亦有淫澇
候疏洩多消沮所爲計田功屢祀恆豐腴初聞僅土著十
十五五俱漸迺迄齊晉負我妻及孥如梯百常地似散三
尺廬于焉長孫子並以逃庸租我來值秋穫攬轡爲遲蹢
齊民無異術道在先勤劬一夫旣其力可食八口餘疆稟
尙如此況彼沮澤泐舊家東南州厥土惟泥塗其畜宜鳥
獸其穀宜稻稌曠土旣煩眾餘夫良不無胡爲置本計僕
僕將車徒於世固無補於身竟何需公然效鼠雀日盜官
倉儲

十七日早發中關小憇驛舍

窮廬驚已曙起視月猶光霜降凝威屑星飛曳白芒林深
看虎跡峯遠似駝裝遽者休相促吾方事徜徉

午後過什巴爾台

行路不四十羸驂胡弗任無風沙自落不雨氣恒陰瘦石
高難擬肥泉亂莫禁似聞騶卒語前路更泥深

泥處所也

什巴爾台蒙古語有

蒙古諸王公例於博羅河屯迎

蹕

詔賜筵宴卽事恭賦二首

右賢左谷盡藩封千騎齊驅八月中爲表葵心誠向日徑

從松漠遠趨風職方道里周官悉屬國威儀漢制同

御製

賜宴諸外藩詩有中
朝間用漢威儀句

二十八年稽掌錄

懷柔恩數豈能窮

蘭自乾隆六年始
皇上行幸木

孔翠金鵝兩翼張邊風迴合幔城旁
犇歌競奏回天樂馬
潼齊傾帳外觴宴罷周廬秋似水
歸來良夜月如霜誰言
侍從今伊始北首何人更望鄉

十八日晚宿張三營卽事寄王蘭泉前輩趙璞函同
年

閱盡人間倚伏情苦心豈憚荷戈行
風生大漠餘雕影霜
落平沙有雁聲百里屯營秋待獵
一封馳奏遠論兵征南
近喜逢元凱莫惜殷勤自請纓

阿將軍廣庭將
於次日回京

十九日隨

駕由崖口入木蘭圍場

蒼山萬疊麗朝暎宛馬如雲擁哨門控鶴三千齊翕習駕
龍十二盡飛騫平生每覺九州隘入塞方知北極尊不從
屬車爭到此弓衣矢服總銘

恩

二十日發阿輝圖至海拉蘇台汲伊蘇水烹茶率賦
長句

桑經舊有索頭水何時肇錫爲伊蘇又爲宜孫及儀栗實

則一耳名固殊川師譯此乃九曲遠勞鈎注相爬梳

伊蘇水源

出蝦蟆嶺

南流計經四百里淺爲跣蹕深盤盪我時秋高出窮

塞蒙泉一路愁攸劑井泥不食井冽食惟古有訓無敢渝
詰朝何緣忽構此軍持遠致來僑廬因思泉品在輕重較
以定秤量以觚此水適與玉泉等

御評第一良非諛

御製天下第一泉記辨水者恆於其質之輕重分泉之高下言製銀斗較

之京師玉泉之水斗重一兩塞上伊遜之水亦斗重一兩異哉南人好亭帶足跡未出
城與都楊子江心康王谷各隨所見加延譽豈知天一各
有性更從原本爲分區源之遠者質弗重土之厚者味必
腴惜古水官失其職誰與辨論分錙銖旁觀一笑漫持擇
世間正味寧拘墟鴟雅耆鼠螂且帶似我卻愛牛羊酥

二十二日早發呼鱸蘇臺大風戲作

彼茁者何葭與蘆

蒙古謂蘆葦爲呼鱸酥

平明萬帳起一空牛磨方

轉細細路羊角突起團團風攢山窪寥若破瓦便橋踰蹊
成虛弓乖龍作惡且莫劇赤章吾欲箋天公凡過大山必
有風雨蒙古占

人云上爲
龍所居也

隨

駕至威遜格爾圍場恭紀四首

跋馬前驅近黑山今朝圍更勝巴顏

二十一日爲巴顏喀拉圍場

槎可

嶺蘊雲爲旆昧莫垌開水作環迴卒五更分兩翼看城一

點麗中間

設布城爲看圍所蒙古管圍諸王公於五更率獵士分兩翼先往撒圍質明後兩翼首旗各馳

至看城眾騎以次徐進始爲合圍

大駕乃出爲傳福勒旗名行將近探騎如飛

數往還

合隊呼聲隔嶺長千金何用戒垂堂如星厯厯皆從斗似

網條條總在綱祇許風雲通四面那容飛走逸中央前鋒
忽遣先驅至知有非熊特地藏

園中凡有熊虎例得先時奏報是日適有子母熊各

圍成獵卒計盈千絡野陸山作甫田耳畔箭飛風乍緊懷

中弓滿月初圓人從白草梢頭瞥馬向黃旗卓處旋三十

六熊親射罷歸來西日未平肩

御馬鞍上製自鳴鐘一每至午正即行微圍

中黃戟手尙斲斲不道三毆事已竣已見車攻陳武烈更

于網解識湯仁擺牲省識占維戊課獲還看奉是辰聞道

東峯更西去前禽來日倍殷賑

是日駐蹕準烏拉岱蒙古語東峯也西去爲都母

達烏拉岱爲崖口諸山之中峯

二十五日自巴顏布爾哈蘇台圍場回

賜所射鹿

聲邊遙見羽旄紛羨賞親從馬上聞
媿未中原齊角逐早於靈囿共肩分

恩光被處渾疑夢雪色看來迴出羣
回首深山十年事長林豐草記同欣

興安大嶺和拂珊前輩韻

北戒始三危抵常山已盡餘氣迺東遊
如龍不可勒沙間蜚轉萬里程倏忽掉
首誰所令昂藏四萬八千歲不與地
境留真形共道精靈太幽祕詎識林
央有深意眾山維首崑崙都胡越天
然兩門置斗間五岳視三公正位中
原莫能易興安大嶺誠高危不過北
當無慮東南當會稽彼哉

猶然列方鎮此焉何足爭黃池世界非公住無謂虬髯合

去扶餘外中天那許淮南尊絕域方知夜郎大左抗庫克

嶺

即大青山

右挾察罕山

即長白山

中羅立者海喇汗如臣如僕如

兒孫有時渫爲岱岳雨有時滂作衡峯雲陰門區脫四十

九一一保護無差分有何蕃兒朝飲馬敢道其名獵其下

雪然飛雹如彈丸引滿天弓向空射惟辟作福兼作威札

哈沁語有如斯

蒙古謂守邊界者爲札哈沁

我今跋馬到山側雲光日

色何清夷生平正直詎堪嚇

侯楷切

如韓南嶽蘇東海廡崎

或以性相同真面敷陽肯留待車徒惜又將東還非山負

我我負山明年秋高倘隨

駕短衣匹馬還相干

行營卽事口占六首

連岡昨正苦崇修邱上誰知復有邱似此盤盤行不已青
天欲上更何愁

一峯卻立勢婆娑萬古窮荒意若何若從我遊江國去鸞
臺鳳嶺號應多

二十七日往巴顏溝相
近有峯卓立如鳥斯翼

替戾聲中步驟勻相看宛似洛那人千斤效盡馳驅力終
與驂騑作後塵

二十八日東行赴烏里雅蘇
台中途馬蹶乘駝行十餘里

馬頭今喜轉東行荆草安營欲二更莫怪帳中頻夜起白
楊都作雨來聲

烏里雅蘇台蒙古語
謂有楊樹處所也

已聞東去復西馳秀嶺迢遙晉馬時肺腑一重還一掩到
來方信少陵詩

二十九日後西行至
鄂爾楚克哈達大營

來日早傳因得密

八月二十三日及二十九日皆忌例不行圍國語謂住爲因得密

國勞

薪暫喜一宵安祇愁行近長城窟飲馬能教一夕乾

三十日將

住達額達巴汗卽古長城也每逢因得密必致水少不足供人馬飲食之用

墨爾根烏里雅蘇台十餘里皆楊樹二十八日過此

凋悴彌望不勝攀枝執條之感因賦一詩

青要昔昔吹嚴霜窮邊萬木萎以黃楊葉因之亦凋萃欲

落不落空傍惶憶昔三春向沙蹟雨助華滋煙弄碧占斷

年年四野情邊花塞草無顏色惜哉此地天所閑屬車蒞

止非春田平時樵牧例有禁誰欺無事窺其藩人不能來

春已去誰向靈和見張緒老幹徒資俊鵲巢

海東青多巢於柳樹腹中

長條祇被封牛茹

諺云橐駝嗜柳蒙古嗜酒

我今策馬臨邊沙觀此搖

落徒興嗟昨聞 行營購佳植碧蒲桃與金蓮花此樹生
來永豐道當年種向星垣好詎今相際匪其時那怪園官
賤如草如草春來更茁叢卽今休更怨西風莫言上苑恒
春樹且伴興安落葉松

九月初三日多們雪中有作

多們意云何譯與懸壺似前身費長房蹈此行且止清霄
四周圍丹梯渺難跂偈焉虛白生彷彿若有視渾疑太古
春無終亦無始彌天凍有痕匝地清莫泮中有萬玉妃素
質莊以暉滿抱銀蟾光斜鞋碧鸞尾攝我御風行皓齒粲
然啟爾非是間人何緣忽到此將毋羽翼生抑亦形冲委
而我咲不言含情但遙指喻意托瑤華通辭屬瓊蕊款寶

方待陳光彩倏猗靡將飛若來翔意態紛莫理人神道豈
殊遇合應有埃要之在神霄幽陽倏成綺依光赴前川遺
情澹如水

過塔兒圖作

初五日發烏蘭哈達至頗資昂阿中間數里有土纍
纍數千百跋馬其上陷若沮洳問隨行者云谿谷之
間時有積潦蔓草縈漬塵埃易滋土鼠來穴其際遂
以成此蒙古人謂之塔兒圖

漢語譌爲
塔子頭

塔兒圖者小

兒學步之稱蓋謂過其上者伶俚之狀似此也案周
官草人相土之宜二曰墳壤五曰勃壤卽管子所稱
橐土息土迺土之最上者雖行狩之所無取乎藝植

而塗田淤田則所在多有惜土化之法今未之或講也
也因書數語以示有農政之責者

兩山之間必有川靡萍聚藻充其間驚風吹沙倏至集
時下隰爲平原原荒日漸生蓬葆未著青霜已枯槁就中
田鼠從何來一一嵌空作邱島耕鼠有坻螾有蛆蟲豸爲
患良有諸埋我車輪齧我足失勢往往淪沮洳吾聞西海
西南有弱水毛不能勝芥亦靡不聞平地礙行人土弱而
今亦如是是曰勃墳亦曰墳化茲土者惟土均溲以貍狐
漉以鹿坐看棄地成腴田嗟哉此官今已廢九土誰歟辨
茫昧揮鞭好爲語南人厥土泥塗莫輕棄

初七日早發塔里雅圖昂阿 大營已刻出哨門至

張三營宿驛

入關萬馬帶秋晴，去住初無一月程。
綠葉已將紅葉換，來時信勝往時情。
填胸無限關山影，悅耳何來婦子聲。
轉似故鄉今已到，相看意氣各崢嶸。

重陽日中關作

莽莽乾坤歲欲周，窮邊已入更何求。
佳時喜近黃花戍，獨客愁隨白雁秋。
風雨華年一彈指，關山往事幾迴頭。
因循十斛留犁酒，來向荒原野戍酬。

十五日晚發熱河至二十一日至南石槽行營卽事
口占得十二首

詰朝聞啟行，向晚已先路。
馬首望元枵，偏東方一度。

前二日爲

霜降節宵中虛宿一
應偏東一度十四分

危峯競雙高長河渺千頃走馬似乘船面面石帆影

喀喇河屯

北有雙塔峯片石
相比若帆影然

密雨滂遙林驚雷巨前路無事繙圖經知近常山峪

常山峪東

南近霧靈山來往
經過必有風雨

寸管測往復尺表窺璣衡不意天壤間迺有孟廣峒

霧靈山即

水經注孟廣峒也
綿亘幾數百里

黃土青石梁四面窮山塞嘉名雖不知相看已相識

內外古北口隔關惟一城城外百草白城裏官楊青

塞山索騰翥盡若朋皇騫祇此一拳石特以鳳嶺傳

南天門內

爲北白河澗有峯
翼然上刻鳳嶺字

有石邊牆西似匣營以築緬懷奉使人重展紀程錄

密雲東北

有石於匣明時築城如此

揮鞭出童岡萬松倏鳴戛迴身揖司囂此間莫呵喝

由瑤亭過

芹菜嶺爲

九松山

山好程卽紆地穢塗轉直好步與卒行洵哉不兩得

此間信平曠去日何欽岑始知苦與樂倚伏惟一心

七月月初九

日夜發密雲適值陰晦殊苦跋涉此來固平坦也

來已過重陽去方藥七夕時無一刻留胸有萬山積

二十二日早發南石槽至清河

九月清河來十月清河去來去七旬餘清河總如故相將
領馬藥歸流照影方知此行苦我衣結似野田鶉我面焦

如曠泉土道旁相識來于于接手慰藉仍熾噓我躬既欲
徇微祿久拚況瘁同僕夫人生倘各事間逸世

侯起叔至自津門索觀近著因以秋山紀行集質之
並題四詩於後

十年踏厭東華土千里來乘博望槎偶託詩篇紀年月敢
將隨

輦附高查

本朝高士奇查慎行
俱有隨輦集

奇外無奇更出奇山川滿目太原詩自慚才拙無新語苦
憶平生辛敬之

憶自盱江唱權行雲山韶濩耳曾傾更煩疏越南風手一

正含胡北鄙聲

起叔舊有
盱江遊草

屏風巨絕記前期
此別中年事可悲
十載青門三奉袂
僧房才得一論詩

秋山紀行詩二卷爲嚴冬有先生官內閣時扈 蹕木蘭
之作手書精鈔間有塗改之處可見先生一生苦吟以此
爲身心性命事也余曾藏有彭甘亭遊山詩卷校刻本彭
甘亭詩集多有異同今獲此卷可云雙璧但甘亭詩久有
刻本傳世先生詩至今未有刊行之者是固一恨事也時
宣統二年庚戌歲嘉平月望日後學葉德輝題記

金闕攀松集序

乾隆乙未秋關內不雨余將禱于華山時道甫侍讀偕往展事既畢窮極幽勝歸後侍讀得詩一卷曰玉井搴蓮集假騁夔厲雕辨萬有而一歸於精簡余振其致力之邁嶧而又惜其用意之刻深也道甫曰予近歲所業固如此至少時奇服是好從事遠遊九州歷其八五岳登其四舉凡幽遐穹偉之觀皆有詩以紀其梗概因鏤會篋衍出登岱一集相質并屬爲序其簡首余覽之則驚才壯思絕塵而奔如仲春氣至萬木華發歎雲欲火而不能徇其翕闢之原其與向所見之采潛而響秘者固迥異焉蓋其時年未三十才力不可一世而又沈酣六籍以資給其設施故其

氣充而詞備如是因憶杜陵云老去漸于詩律細而蚤年
自述則在讀破萬卷下筆有神昌黎喜無本爲文漸造平
淡而柳州謂其毛穎諸傳則如捕龍蛇捕虎豹亟與之角
而力不敢暇信知古之作者莫不皆然而余獨怪近今少
年甫窺甲乙方當有事于儷青如白而迺招拾宋人殘瀋
務以生澀自文俾觀者如噉昌歎食到芟攢眉楚齒急思
屏棄爲快閱道甫諸詩豈非起衰變醜之上藥也耶因慙
愚其付鏤木家以廣其傳且語道甫他日再出恆嵩諸作
余尤樂得而序之也時丙申春二月鎮洋畢沅

金闕攀松集

江寧 嚴長明 用晦

庚辰

出都後將赴歷城道中作

楊柳長隄葉葉風客程連日苦囟囟國門依舊單車出驛
路行看兩月終遙憶明湖開歷下近誰長句擅山東似聞
周李同時在直恐萍蹤未易逢

都下耳李素伯周書昌
名擬至濟南後過訪

抵德州雅雨堂遊讌和韻

別新昌里記年時手種繁英碧四圍算是今春不成負花
開時節主人歸

園名尊水記偏西粉額猶傳侍御題不是扶筇親導引樓

臺高下路應迷

別院微聞動鎖聲曲廊低亞小池清此間其道宜絲竹恰

喜新翻水調成

觀察近作錦
秋湖權歌

參差花外隱更籌卜夜留懽酒力適祇恐又牽遊宦思二

分月上似揚州

宿泰安訪聶處士劔光兼訂岱岳之遊劔光以病不

果偕行

劔光名欽泰安人著有泰山
道里記泰山金石考二書

高低竹柏隱茅堂特地過從話夕陽腳力衰緣登岱屢目
光損爲閱碑忙借來叩竹雙枝健鈔得圖經一卷強明發
虛無勞指點天門南去樹蒼蒼

三月一日由岱麓紅門東北取道至石經谷觀北齊

人書經暨水簾崖諸勝

桃源路轉山未深衣袂已覺浮嵐侵風光流轉不知遠一
鳥前導如青禽畫屏幾疊誰爲障纔到中峯眾峯向迴眸
瞥見影離離無數漏痕穿壁上誰歟刻畫留影泡高齊筆
蹤審不淆世人率臆肆評泊巖花應笑溪蟲囂北齊王子
椿于武平
時爲梁父令嘗入分書金剛經于徂來山筆蹟
與此正同明王世懋輩疑爲宋元人作悞矣捫蘿剔蘚
思捶拓忽訝流泉沒雙腳尋源路轉石亭東翠影中驚雪
花落飛淙挂壁逾十尋心神灑濯毛髮森就中有句儼琴
筑山空何處來知音人言汉口尤清奧崖上爲三汊溝
有石屋九間樵
子尋常未能到攬身徑欲試孤筇倏聽鐘聲澗西廟孤雲
落日行就途來蹤迴首空成逋陰崖何由結茅屋看碑飲

水忘朝晡

御帳坪觀秦五大夫松作歌

秦皇騎虎遊八極萬鬼百神俱辟易惟有西畢偕南箕離

立天門不奉職

始皇遇暴風雨在小天門

飛輪扶石從東來如漸離筑

張良椎自非蒼髯五老互遮蔽幾令岱畎變作沙邱臺嗟

哉此松封植忘所自得非青州遺種夏后肆洪流九載不

復漂百蟲將軍未曾熱干劫避過水火攻來與曾孫作屏

衛

秦爲伯益後

我聞松百尺自號爲木公今爵列第九報稱殊

未崇豈知嬰與樛

趙嬰楊樛職皆五大夫從始皇巡行者

雖乏棟梁貴轉得

與斯高品評不同例而我獨惜茲松千歲應有靈胡不化

作白鹿青牛形俾服御之可長生免使三千男女採藥去

一船終古搖空冥胡爲獨悶空巖躅金闕支離生意足天小

門坊西舊有元嚴忠範正書寥陽金闕四字

友半死之枯桐結孤生之修竹徒

見漢唐兩世來登封又見符瑞三朝志空谷

宋大中祥符元年天書見

泰山事具載三朝符瑞志

二千年事何離離欲作松問松應知哀哉匪

石不能語但聽蕭蕭風起猶自如秦時

由對松山北飛龍翔鳳二嶺登十八盤遇大風雨至

三天門有作

左壁如屏右如障爭長東西不相讓就中一綫露青冥天
路云從此間上昂藏七尺付輿丁曳以長繩挾以纊如蟻
旋磨蝮循條頂踵挨排成一行前瞻方喜日平肩後顧忽
驚雲壓頂雲來便作水煙歎雨急還資電雷壯洪鐘萬斛

四山攢強弩千枝一林放盤中倏變海茫茫盤頂空餘天

泱泱

去

此時黍粒渺單身耳目精神交滉漾妄思捧土塞

天河不使飛流下千丈更愁山去化方蓬高掌還應巨靈

仗陳祈聊解暫時嘲詎識山靈已陰相分風特爲掃雰雰

玃出天門高有閑

南天門在十八盤盡處

同遊才子幾人來引手相

看幸無恙遙看傑閣上摩空

閣舊在天門內三靈候祠

會借仙翁赤藤

杖拄來長歎倚危闌一覽斜陽下空曠

唐登封臺在日觀峯西薄暮投宿夜登峯頂觀日出

歸後題詩伏虎門壁

清晨盼天門得上已昏黑古殿閉虛皇神燈黯無色齋心

丙夜目不窺倏驚窗紙紅離離空中似聞海波溢耳畔如

有天雞嘒眴然走向幡竿石

石舊名瞻魯臺

東望立同榴木直不

知咸池去此路幾千但覺海水羣飛入胸臆初時色潏泱

去有若新磨銅須臾勢隆起一綫緣長虹咄哉長虹曷由

起復止南亘魚頭北魚尾拂天誰奮羲和鞭敲折玻璃萬

條紫散成朵朵金芙蓉貼向滄波吹不起少焉風動蓬山

根播蕩溟渤如翻盆就中團出火一輪計里遠以三千論

據徐整長厯說

左敲南離右欲北戒大象焉藏太空焉繫何龍燭

而明何麟鬪而晦胡棄策而莫追胡揮戈而遽退安能御

六辨指陽門郅縠蓋曳緋帑足踏紺鷗背飛上榑桑顛遠

引木公袂高拍青童肩親從黃道訢眞宰一證古今扣槃

捫籥之譟言狂歌未了衝颿起倏見雲來若鵬徙兩翼飛

遮萬里光一時賁育咸披靡東牟道士劉孟容自言卅載

居山中曾經五度見鼉采皆與此夕神光同

道士言泰山近海長有蒙

氣全涌似此瞻矚親切三十年中記曾六度而已皆有歲月書東天門壁

鼉磯忽報更籌淺觀

壯如斯志應滿歸來奮筆寫龍蛇惟見兩眼金光不停閃

岳頂上廟北懸崖高數十仞唐元宗紀泰山銘在焉

命工摩拓賦詩四十韻以書於後

有唐六葉全盛時祖宗錫慶天垂釐宰衡庶尹各奉職用
康億兆朝蠻夷名山顯位望恩幸大官再拜交陳詞順天
應民本帝道敢以勞瘁辭驅馳維時孟冬日在西水官按
節金神隨箕風吹空畢雨灑翠旂孔蓋翺以飛觀風問俗
復施惠邇者不泄遠不遺乾封百年父老在皇儀再覩紛

齋咨齋宮莅止逮三宿青霄夜靜神光垂泰壇翹首時天
半仰法大象圓如規用享上帝配高祖百神以次咸予猷
其下方邱奠社首曰泰圻以侑帝祇皇考作配視宗祀餘
制悉準升中儀封維庚寅禪辛卯至日上下胥恬熙祥雲
九華日五色瑞光端罩如琉璃爰升天門叩日觀對揚帝
命詞舒遲鏤諸玉牒納玉鑲印受命寶金爲泥禮成朝官
呼萬歲響答山谷聲同揆非甚盛德曷臻此允宜撰刻留
厓屢維帝曰俞可其奏大文親畫如包羲秦松伐取作煙
墨漢皇石可丹毫支上言報天眷顧厚下言祈福緣烝黎
元元指歸況有屬好謙示儉兼流慈詞嚴意密堪示後碑
材北面天生宜厥高三丈寬丈六字徑五寸仍有奇鸞翔

鳳翥在天表地上蟲鳥何由幾胡爲勵精未卅載妄思端
拱垂裳衣千秋金鏡一朝失覆簣頓使前功墮三塗已裂
四扇啟青驪避地空流離劒門積石千萬仞勢與喬岳爭
崔巍經行豈竟無紀述歸秦但唱淋鈴詩始知封禪事非
古率由侈秦心潛滋銀繩金檢白石礪七十二代誇留貽
告成處所千八百六經至竟無其辭王通袁准識尙具後
王何故相攀追書垂黃素蔭華蓋故智不越尋常谿宋大
符元年登泰山謝天書述二聖功德銘在唐刻東中祥
面爲後人題名鏡蓋拓之僅得二百二十五字我來遊
占得大壯森然魄動神披靡年深點畫恨小缺金光猶向
蒼崖披王世貞云銘下三尺許爲野火剝蝕濟南府志謂
葉彬補書今審彬所補者百有八字至銘文南向
朝日射之光氣閃鑠蓋當從臣名姓復可辨銘後舊有從
時實以金泥爲之填廓也

毀殆盡惟開國公臣李仁德上柱國臣李元
紘臣尉大雅臣王敬之官職姓名尚可辨識
磨煤藁紙行
揩劇惜哉朝覲碑已佚莫由玉匣同裝池

初三日由望吳峯東北陟古登封臺是爲泰岳頂展

眺作歌

酌蠡者不可以測海坐井者不可以觀天半生學鴈鷖搶
在枋榆間一朝飛上大鵬背始信盧敖鄒衍非狂言前身

禽夏誇輕矯記向蓬元事幽討初由金闕望吳閭元君上廟在望

吳峯東顏繼轉瑤臺拾仙草登仙臺在望吳峯西風雨驚從足下生

方州頓向眉間小進步力加猛四顧神飛揚淩虛但一氣

正色同蒼蒼欲知大地形何似九點煙環一杯水遙空更

復舉頭看一圓笠覆雙跳丸右傾西北左闕東南六鼇之

足尙堅硬五色之石猶嫋嫋因思靈門當日奏奇績原從此度輪廣規方圓道人引我升元圃登封臺後有太清宮禮罷心同一銖黍前有千秋兮後萬古往不可聞兮來不可覩中間歲月能幾時更沒黃塵復何補吁嗟乎人與溟津非同科春風恨少秋霜多舉手便是北斗柄何因作我金叵羅金叵羅酌桂酒誓與茲山長不朽拍茅許之吟肩三茅公暨許掾爲東岳上卿啟張劉之笑口元張志純劉朗然皆于泰山得道歌成一曲隨東風天上人間兩回首

初四日下山祇謁岱廟謹和謝山司空乙亥歲殿壁勒石元韻並效其體

太微執斗臨紫宮元精合撰呈卑崇靈威仰尤愛所鍾職

諸岱使專厥雄維帝出震開東封垂旒彷彿君雲中日章
月采昌以丰外表嚴毅中抱盅金輿山立壁雨輓蒼麟夾
侍搖青鬣先以大角倉精龍眠天察地橫復縱歎海欲漠
如長洪莫原厥始要厥終周三千里境未窮高四千丈廓
有容天關上下開梯衝左日右月驚發矇太清宮碧扇則
彤云亭社首衛若墉玉符琨瑞埴附崧配以太華恆衡嵩
豐聞精氣相周通象若侯甸男衛從扶輿匪特以自豐德
之博者功亦隆稽古顓頊居空峒奉火爲祖金爲宗禹疆
佐之殪靖共導率元武行踵躡窮蛇冠珥追厥蹤倚燭龍
燭山曰鐘陰火灼冰冰弗融鳥獸希草草失其維靈賴眠
憂心忉少皞于召來東蒙唐臣陸吾若不逢明威聖者天

所工負甲背虎持六犂陽門倒挂樽桑弓竅鑿太塊嘘協
風生氣涌出如奔虹吹萬無復天札凶谷氣不痺林不癢
時叶光紀心維怕斥棄輿馬兼僕僮上之帝所瞰鞠詎天
庭忽荒神罔恫縮身潛喘夔魑同下奔委羽棲其躬因是
六幕交和冲靈迺訢合孚若賄靡箕舒姦畢降凍凝膏液
若乳酪醺以昌萬彙綏九農奔走唱于復唱喁
天子時邁嘉迺庸高居祓飾金碧重五禮六樂罔不供奠
以蒼璧妃青琮天酒地汁專溶溶

奎章下賁光維能輝增羣岳麗燭空詎等封禪誇成功七
十二代交洵洵滕書堙玉欺脅懜豈惟麟鳳來竟慵黍禾
茅亦生不叢蹉余八翼慚璩璫茲何意向天門挹挈才自

塊成牛螭含辭欲吐道弗充迴瞋驚見貞石礪重若球貝
陳三雍披陰未已淚落胸公如天柱顏中峯元神陟降應
在穹帝晨左右鳴珎璫曷歸乎來牖我衷闔闔東望雲瞳
矐

謁廟後飯環詠亭作

林扉閒敞殿西偏春晝來過草色芊翠壁陰濃疑有雨古
槐根斷忽生泉吟邊韻落錚鏦鐸劫外碑橫片段煙亭四
周壁
上嵌宋元以來登
岱詩刻以百餘計到此可無題字在簣簪特地揀勻圓

延禧殿前唐槐二絕

盤拏雙幹入晴煙幾見風花殿角前不柰更詢唐代事斷

碑已失鼠兒年

樹旁有元秦定
甲子年碑今佚

亂蕊穆穆墮瓦溝黃時想見不宜秋繁華久絕南柯夢祇有仙鄉欲臥遊

與聶處士別後車上口占

未得從遊罄古懽河梁朝發不勝寒岸容清遠看無盡柳意婆娑別轉難過眼峰巒雲尙繞隨身襟袖露初乾車中擬就詩成卷待與風人旅夜看

時金棕亭先五日行訂于城子店旅舍相待

道甫同年出示金闕攀松集漫題五言長句於後凡

四十韻

長洲

吳泰來 竹嶼

夙昔慕遠遊雲旗指寥廓仗策登岱宗年少氣騰轢誅蕩攀天門倒影窺碧落東峯摘星斗一氣辨冥莫翹首七十君元雲空漠漠長呼羨門子招手控黃鶴誤落塵

網中轅駒苦束縛昨來關內道周覽遍嵩洛太華揚高
旒橫亘盤地絡峒嶷巨靈掌千仞露垠堦巾箱繪眞形
欲往神先怍白髮侵塵簪丹砂負前諾朝來啟荆關忽
枉霞上作當面起層巒瞥眼出怪壑似聞列仙侶蹴踏
青蓮萼聳身俯鴻毛馭氣攝龍蹻咳唾落九天因風度
笙簫泉簾汲齋淪經峪招崖窅秦樹蝕荒苔漢石翳殘
籜茫茫九點煙日抱扶桑躍精心契天倪高唱振仙鐸
列缺摧層崖千將鼓靈橐洪流極莽蒼往往浮蛟螭自
非餐楓香誰能屏六鑿平生山澤交幾輩耽澹泊天球
耀巖采光氣升延閣遂令蕙帳空猿鳥悲寂寞看君多
道氣脫屣視人爵偶辦十年官

浮生只辦十年官汪退谷詩也君服官亦僅十

年終尋五湖約邂逅青門陰冲襟冰雪皦輝煌十賁文
鮑謝恣凌蹀定知青霞蹤幽討徧衡霍繫余困蓬蘞夢
想煙雲樂恆河照鬢絲勝事空如昨因君動幽興遐尙
共所託願言袂霞裾遠訪崑玉腳碧澗掇芝英紫峰摘
靈藥相期尋汗漫獨往無撓觸歲月眞籠禽古今比邱
貉息壤非虛言下士謾驚愕

玉井寒蓮集序

乾隆壬申夏余與華陰令姚君素山同遊華嶽素山至青柯坪便止余則勇進三里許覺巖壑嶄絕氣奪而返忽忽三十稔矣今年冬嚴道甫先生以玉井寒蓮集見寄所稱天井之阻犁溝之險捫嶺之危三峯之峻極皆余昔未遊目者身既未臻語何能詳故爾時小有吟咏亦自覺無俚而先生則如悍將追敵不埒其穴不休卒使山無賸境境無遁形危辭硬語凌暴莽蒼縋深者而出之揭隱者而顯之以七尺軀三寸管與五千仞奇峯相爲俶詭噫何其壯也夫安近者其耳目不廣才絀者其賦物不工無翼助者其指趾不勇先生以沈鷲之性雕鐫之筆又藉中丞畢公

王
禱雨之便爲之召夫役具絙繙以張之是殆嶽靈闐寂渴
思文藻故暗中嗚呼以相成就耶昔曹孟德謂楊修云我
不及卿乃三千里余不及先生且數百萬丈匪徒才懸抑
亦膽薄雖然余羸老矣諒難再從先生補前遊之缺而讀
此一編則古人所謂金精削成鳥猿愁視者一旦呈形獻
狀於簷席間豈非才人咳唾遠勝真靈位業圖哉唐末羽
皇周氏游瀋陽石室作到難篇以述所到之難余謂所到
不難而能言之之爲難耳到而能言則不到者皆如到矣
時乙未冬十有二月錢唐袁枚

玉井寒蓮集

江寧 嚴長明 用晦

乙未

重九前一日由敷水驛間道赴華山景物佳勝和村

莊壁間韻

馬首望靈嶽百里橫蒼煙詎識中有路曲折通平原原間
無別術高下惟良田緣塍樹桑柘楓榆插其間新霜夜來
降著色黃朱斑村氓一無事飽食臨柴關終朝見山黛終
歲聞山泉魚鳥少劇色婦子多韶顏因知武陵溪卽在耳
目前相將叩仁里碣在字已殘

道旁斷碑有大元仁里字可辨

無緣得

小住分送勞潺湲

晚宿雲臺觀

仙蹤本幽深，巨耐樓觀矯。飛驚出林端，似令遊客曉。因隨
暮雅還，密徑入松篠。滿院一青蒼，擁閉殿門小。中臺長香
莎，煙汎金色嫋。俯藉禮元君像，設玉雪皎被。以青霞裾，導
以翠雲葆。來去不可知，靈風但縹渺。定志焚椒蘭，清齋飯
葵蓼。竹簟冷侵膚，菊枕香入腦。無寐且繙經，一覽覺心了。
安得起焦君，觀爲北周武帝時道士焦道廣置資予共研討。

九日微雨登山未果遊玉泉院而返

庚申守連日，煉骨如絲輕。三霄定可陟，奈此煙冥冥。就近
覓所適，云有真人庭。高薨遠林樾，茂樹元堂櫻。四周碧玉
淨，倒擢蓮華青。嵐姿與波彩，變幻不可名。羽人汲素縵，茶

事精瀾烹非花亦非露但覺齒頰馨輕風出兩掖翼我升

茗亭

院東有山蘇亭

開窗緬谷口山態肅且清數峯蔽其南雲氣

縷縷生同遊亟歸思踏破苔色積露出白石字利若新發

研

亭下石上有游師雄元祐八年題名正書徑尺五六寸

摩挲惜未暇悵悵還山楹

初十日侵晨出谷口第一關徑希夷峽至莎蘿坪憩

息

喔喔荒雞鳴噉噉棲鳥亂熱火遵微行粲若星一貫地白

天森沈可到不可盼百折投雲門怪石俄對面如人貼地

眠躍起立天畔巨刃摩青霄仰首莫容喚其下公超廬欲

訪意殊憚有松走長根相送過危棧石狀怪嵌空玉官置

其厂神仙所經營下土曷由贊

峽卽希夷先生蛻骨所

此去諒嶮巖

儻來脩平澹石室宛琢成修闌碧堪玩旁有莎蘿垂陰過
一畝半秋風入枝條清影爲頻散遙望青柯坪翠色若可
辦安得起長虹凌虛藉其便

由十八盤登青柯坪坐蓮花峯陞不及登陟悵然有
作

煉石無定冶愈變迺愈工九峯復九折一折殊一峯方割

紫瑪瑙圓擢青芙蓉高低若迎送直到方與蓮

坪南有小蓮葉館

西軒倍開豁正在蓮葉東似將萬丈華倒插天鏡中朝光
倏照耀紫翠升長空遙知煙彩內定有仙靈蹤捽將芳露
氣結作青瑤宮自顧眞病鶴六翮慚瓊瓊三山幸咫尺不
慮迴舟風願乞并州刀翦取碧色茸裁爲瑟瑟衣仙乎謁

青童

至迴心石舍與易滕屨入千尺幢徑二仙橋晚達媪

神洞

叨貪夙所懲遇賞迺多取聞幢有千尺嶮巖自太古中無
一尋闊前有百丈阻外實虛其中左規而右矩咄哉巨靈
胡當日曷由斧欲退諒不能竟進無乃魯懷疑方據瓠厥
勢已騎虎勉疆效猿猱接引倒肩股如戲觀拔河逆取順
迺侮如藥飲牽機足仰首或俯逾時方下天空空儼如廡
霧氣黑崢嶸星光白三五遙辨虹影雙有仙似我語橋在東
北二爲指深林端蘭楯碧堪撫到門沍小休不暇論檐宇
猶念後來人松梢一鐙豎

媼神洞舊名溫神祀則女像也義無所取河間中丞
爲易今名詩以紀之

煙雲靚深處虛白生神光媿非通仙才竟陟青瑤房循檐
瞻故額嵐氣蒸微茫青蛇出蕙帳蒼鼠升梅梁鑪灰靜不
然風送松檜香神君寂無語玉色儼以莊傳聞三五夕妍
侶紛來翔東峯降瑤姬西室留玉姜悵悵奏廣樂軋軋鳴
七襄分明泰媼祀秩與汾睢彰當代誰燕公重與書琅琅
張說有后殷勤薦方流洞口水甚清冽聊代椒桂漿茲行保終
吉嘉祐曷敢忘

十一日晨由老君犁溝徑雲臺峰側南逾擦耳崖至
金天洞

西峯齒齒如到此辦一展乘之如步虛上下輕且輓或云

苦縣翁于此事清畝其旁有青牛

犁溝南有鐵牛臺

怪事理莫遺

舍之度雲臺細路遠香篆仰視天無餘俯瞰地有限或爲

怪風遏前行後仍轉或爲爛雲迷始定終迺外趣苦賞莫

延思艱力難勉失喜重隙來有洞若可欸彈指開雙扉兩

腳一蕭散迴頭盼來蹤幾度幸而免狻猊之所愁

犁溝盡處有鐵

猿四聲覺箕踞俗名胡孫愁

而我獨游衍豈其異術操所恃惟一敢

展謁胡趨寺遂陟蒼龍嶺冒雨赴通天門

胡趨寺今名都龍廟

通天門今名金鎖關

腰繫白獸訣心惻蒼雁噉歸然元闕在敢恡神香燒升偕

事瞻謁玉貌驚垂髫

水經注華山崩嶺北胡趨寺神像有童子之容

拱手圭上剡

周身雲下交羣靈相夾侍威福惟所操別殿有神物引頸
垂赤條噓呵氣騰上似欲因風嗥砉然斷鎖紐奔落南峯
椒單肩劃雨戒一脊伸中條眾山儼魚鼈駢首爭來朝我
來繕其怒播蕩如琴高將身放天外取海來巖坳幸免韓
子哭足解冉氏嘲嶺南爲龍口絕壁鑄韓退之投書所須臾日穿漏陰氣漸
以凋通天望如帶一束三峰腰門在嶺西南五里箭枯峯上相將慶生
入牒地傾濁醪醉中計性命何若鴻一毛

白三峯口詣金天宮

萬障紛莫齊一峯扼其要登之緬南天金氣正騰踔其下
樓松圍碧色紛若嶠羽衣翩來迎儼若白鶴導山中道士多白衣云
所以應金氣也客至豈先知定有百靈告入門肅科車屏氣毋敢

暴畫棟留五雲鏡檻明兩曜玉座繡衣垂瑤墀白羽掉主人
勞申禋鐘鼓事清醮禮畢行周除皓月耿微照石畔露
草青苔間雪芝燿時有仙禽來此外渺人到清齋就南榮
啟戶一峯峭

南峯正
在宮後

明當乘天風奮翮陟其奧宵分且棲

遲筋力慎毋耗

登落雁峯頂作

夙抱凌雲志託足常苦低幅抑五十載天路迺此梯時值
猛雨霽淨無纖雲欺萬山生足下戢霄如嬖媿平時所仰
視一一頂可劇其旁悶長湫碧色森栗肌

水經注華山頂
有太上泉前爲

黑龍潭

恍惚中有象似是鱗與鬚頽雲狀樓閣凍日聲玻璃

秋心莽舒豁氣象不可隄片白當楚南孤嵐疑蜀西其餘

青一氣萬古寒咿咿嘗聞稚川語剛氣天所私上陟四千里剡剡始得騎吾將振高冠從此衝天扉擻斗運元化爲鼓萬物機秉茲金虎氣吐作炳蔚辭近充九牧貢遠與千秋期

十二日由細辛坪過太極東元門至玉女峯晚憩祠下

茲山如畸人欽寄出意想東峯忽婉變靚女態若仿振衣躡飛龜石名仰見白玉勝趁此煙非煙陟彼廣寒廣旋碧沾流蘇輕紅掩斜斃麗以虹霞春靜以松桂賞夜來鐘磬寂香影息羅幌瞥然見秋輝碧色恰盈掌一片如輕雲落向石盆養洗頭盆在殿前石上水定不受光散彩復騰上驚醒九舉禽

叫嘯碧空響狂吟思步虛妄念除息壤明發恨星河人天
竟成兩

峯西有溪水自玉井出爲三峯分界處

十三日由東峯下山至三峯口大霧飯媼神洞仍詣

雲臺觀宿

殘月墮西嶺曉起意必佳徒御競燒竹勇縛樓毛鞵就下
勢殊易俄頃越數陔公超谷尙遠忽訝頌陰霾仙居虛白

隱

近宗土祠有四仙庵

搗嶺空翠埋

搗嶺卽蒼龍嶺

翠白兩相幻如墮混沌

胎精神寒佶栗肩脊疑推排微於斷續處偷眼羣峯闕演

漾如波濤氣淳聲潛潛須臾清風至天色鏡面揩青蓮花

一朵湧現如瓊臺顧僕問所歷已過俯渭崖

崖在媼神洞側

少焉

就棲所西日猶未頽平生戒垂堂驚定猶疑猜兩眼但青

光滿室交榮迴

卜凝子觀察以北周天和二年華嶽頌見貽因書其
後

崢嶸顯靈宮魁峙古關右壯觀留自今貞石訪猶舊我初
陟神局往覲值陰晝引手摸其文欲誦不可又卜君今趙
洪訖我出懷袖商榷同秋宵宿願快頗副周宗出普回雄
圖應中候四葉至武皇制作懲簡陋禮設九疑賓舞備六
代奏維茲鎮豫州固護蓄精祐宮既逾集靈典亦監元狩
桓桓晉國公在廟駿奔走樹石升九罍蜚英復騰茂南陽
奉敕書大筆儼琢鏤或云禮與樂出自天子授歸美及阿
衡僭竊難恕宥

文云大師大冢宰晉國公任屬阿衡親惟
旦夷弼諧六樂緝熙五禮蓋謂宇文護也

或云形與聲義實祖篆籀新字延始光象類太譌謬碑中旃作旃
旃作旃
魏書太武帝始光二年三月初造新字千餘頒之遠近以
爲楷
一哄等闐闐瑣屑難悉究觥觥畢中丞監古黜羣詬
所親在民瘼所敬在神侑誠至精迺通感深應斯輳底事
援白衣辛勤夢中覲因文抒此詞持以佐贊祝

重修西嶽廟紀事四十韻

四序乘秋王三峯擁地靈元宮司兌位芒宿應金星兩戒
惟肩背中原此緯經皇遊紀軒錄帝狩想虞庭元朔初胥
宇天和昔薦馨三花堆作案千葉拱維屏戶隔雙螭矯樓
閣五鳳停萬靈扶正寢峻極表眞形會澤靈源澹生華庶
物寧叩商當夏肅剋木先去秋零執矩司成化當時憶降

駢玉鑪飄拂郁金檢照晶熒九節遲仙杖千春閱歲贊瑤
臺今偃蹇翠萼舊伶俜對立金人黑交陰鐵幹青畫屏冬
蟄燕宮燭夜流螢昨憶旂蒙歲秋隨使者軫經天餘杲日
棲畝賸枯荏頓整清虛駕高窮碧落陞飛章勞社甲抗手
揖天丁感召驚神速虛空儼將令指揮見鱗甲鞭撻到雷
霆直恐翻清渭橫驚倒濁涇潦應愁十日淺欲問東溟
帝曰嘉斯績功堪溢在廷垂祥成萬寶俾壽裕千齡
禁扁瞻爲漢貞珉仁發礪

帑教攄內府

詔許煥宮櫺

中丞祈澤登山仰邀神貺歸後恭劄具奏

皇上御書嶽蓮靈澍扁額并敕發帑

金鼎新廟貌

陳力推分府

謂潼關丞陸維垣

規心幾洞冥度材垂後檢

選勝揜前型闕迥霄無際庭深晝欲暝金鋪雕匱帀玉樹
奏瓏玲白琥西房配青詞丙夜聆禮從魚雅薦樂伴鳳凰
聽玉兔行徵瑞銀麟仁在垌神應降申甫典合引云亭自
顧慚窺管來遊等聚萍誕登顏鄭重端拜黯丁寧唐沈顏
有登華
旨陳黯有
拜嶽言升降隨鳴玉行藏敢問筵新宮如有作濡筆待
題銘

乙未冬十一月道甫以玉井舉蓮集見寄因賦長句

題後

大興
翁方綱
覃溪

嚴公手勒雲臺壁氣滿金天之大宅千仞東捫蹠掌青
一條西指長河白平生睥睨王安道鐫銘欲補昌黎伯
十丈如船本喻言九節攜筇竟何得斗杓萬古杜與韓

元氣未收憑筆力，尊收招拒歛來感。白鹿茅龍葬無迹，
仍拈千葉白玉池。相約玉桃期可食，腸胃一洗五十年。
石膏紺碧無人識，石作蓮花太白語。畢竟是花還是石，
請君息息認歸根。且莫區區尋藕葍，我有袁逢郭香字。
遠撫周官職，方職河北關。西兩舊本列，宿熊熊光合璧。
重摹勒石竟，何日集靈疑。未歐陽釋君當焚香叩真宰，
稽首山靈爲剖析。金庭玉房儻不開，秘錄幽經尙盈籍。
何愁丹篆讀不嫻，試問鐵綆塗誰關。中箱眞形秘莫覩，
畸叟全圖恍如憶。障溼松雲共一囊，引袖天星不盈尺。
子欲華池長不飢，山中花開復來覲。樓霞大海日一漚，
滿篋雲濤飛古色。